

傷寒補天石④



急下急溫第七十四

急下急溫者病勢危篤將有變也非若常病可緩如少陰舌乾口渴因邪熱內攻腎水將絕當急下之以救腎家將絕之水少陰自利純清水心下鞭痛口燥渴者有燥屎也急下之少陰腹脹鞭痛或遶臍痛不大便土尅水也急下之陽明熱甚恐胃汁乾急下以存津液陽明腹滿痛爲土實急下之熱病目不明熱不止多死目睛不明腎水已竭不能照物則已危矣

急下之俱用大承氣湯少陰急溫有二證脈沉微內
寒已甚陽和之氣欲絕急溫之少陰膈上有寒飲乾
嘔不可吐急溫之四逆湯

可汗不可汗第七十五

凡發熱惡寒頭疼體痛頭項強四肢拘急脈浮緊或
浮數無汗者汗之汗後不解表證仍在者再汗之若
口燥舌乾或口苦咽燥或咽喉痛或衄血或吐血或
下血或小便淋瀝或大便瀉利或瘡漏或動氣或房



勞或夢泄或內傷勞倦氣血兩虧或風溫濕溫中暑
或婦人經水適來或婦人新產血虛六脈微細或尺
脈微弱者皆不宜發汗也

可吐不可吐第七十六

凡病在胃膈上或食在胃口或痰在胸中煩滿或胸
中懊懣或厥冷脈弦寒氣在胸中或下利寸口脈滑
或霍亂心腹刺痛者皆宜吐之經曰在上者因而越
之也若元氣虛羸或房勞陰虛或勞倦內傷婦人胎



產崩漏或經水適來適斷或寸脈虛細無力者皆不宜吐也

可下不可下第七十七

凡蒸蒸發熱大便不通或潮熱自汗譫語煩渴大便不通或潮熱腹痛或潮熱腹脹滿鞭痛或繞臍鞭痛或下利脈滑數或下利心下鞭痛或目不了了大便不通脈沉實沉數沉滑有力者皆宜下之不盡再下之下後腹中虛軟脈無力者爲虛也參胡三白湯加



歸身和之下後發熱潮熱往來寒熱不解者小柴胡
加減治之煩熱不得眠者溫膽湯加竹葉石膏主之
下後利不止身疼痛脈無力者溫經益元湯加東壁
土白朮升麻去當歸地黃主之若惡風惡寒或頭疼
項腰脊強痛拘急或嘔吐咽中閉塞或腹中時滿時
減或腹脹可揉可按或時雷鳴或臍有動氣或不轉
失氣或小便清白或少陽膽病或陽明面色正赤者
或內傷勞役或陰虛勞倦或婦人胎產崩漏或經水

適來適斷。或夾陰面赤。或陰證手足厥冷。六脈俱細。或大而無力。或尺脈遲者。皆不宜下也。凡下證須用湯液。切忌丸藥。蓋丸藥不能除根也。

可溫不可溫第七十八

經曰。無熱惡寒。發於陰。凡無熱惡寒。脈沉遲細。或伏絕。皆宜溫之。若燥渴飲水。或潮熱譫語。或身熱小便赤。或揚手擲足。或斑黃狂亂。脈沉實沉數沉滑洪大有力者。皆不宜溫者也。

太陽一下有八變第七十九

太陽病下之其脈促不結胸者此為欲解也脈浮者

必結胸也脈緊者必咽痛脈弦者必兩脇俱急也脈

細數者頭痛未止脈沉緊者必欲嘔脈沉滑者協熱

利脈浮滑者必下血也

傷寒差後一動有八變第八十

一變中滿減食因火邪伏脾經不散故成中滿用醒

脾散二變怯證因邪火伏於腎經不散而成骨蒸羸

滑為陰氣有餘邪氣入于下焦也沉為血脈氣虛是知協熱利浮為氣脈血虛是知必下血

瘦用當歸補血湯三變囊癰因火邪伏於肝經不散
故囊腫而痛不已則成膿用連翹防風湯四變瘰癧因
邪火伏於脾經正氣交攻變成瘡證用必勝散五變
利因邪火伏於胃移熱於脾與水穀相併故成休息
利最是難治用分經養脾湯六變淋血因邪火伏於
心經移熱於小腸故小便淋血痛甚小便不通者必
死用加減四苓散七變肺痿因邪火伏於肺不散而
成咳嗽吐痰成癰膿者不治用清肺化痰湯八變骨



痿因邪火伏於脾腎二經不散癱卧不起日漸羸瘦
久則成痿而死用十全大補湯

差後喜唾吐逆第八十一

解後虛羸少氣氣逆欲吐者餘熱傷氣故少氣氣逆
欲吐者與竹葉石膏湯調胃散熱也

石頑曰亦有少火氣衰中土不溫不能約制津液
者理中丸加益智仁以收攝之

病新差後口中和喜唾不止者此胃中有寒宜理中



湯溫之差後口乾喜唾或咽痛人參竹瀝湯加烏梅
川連知母花粉主之咽痛者用山豆根磨水噀之復
用甘桔湯加芩連山梔連翹薄荷主之

此條宗全生集補

差後虛弱第八十二

差後虛弱盜汗不止屬陰虛用當歸六黃湯陽虛自
汗無熱惡寒無力下虛用加味黃芪建中湯差後心
神恍惚不寧佼臥煩躁不安或亂夢虛驚不眠因汗



北京中医药大学图书馆藏

下過多心血虧少用硃砂安神加茯神遠志棗仁有
痰加橘紅

差後昏沉第八十三

差者病後也病後昏沉不省者先因發汗不盡餘熱
在心包絡間也壯熱脈有力者知母麻黃湯虛弱脈
無力者十味溫膽湯寒熱往來日晡潮熱者參胡溫
膽湯加芩連

差後浮腫第八十四



傷寒論卷下

差後腰下浮腫者澤瀉牡蠣湯胃虛食少者五苓散
加蒼朮陳皮木香砂仁差後足腫不妨節飲食戒酒
色胃氣強腫自消也

差後頤瘡第八十五

傷寒汗下不徹餘邪結在耳後或耳下硬腫者曰遺
毒宜速消散緩之如成膿以連翹敗毒散治之發腫
有膿不消或已破未破俱用內托消毒散

口皂美升麻
銀花甘草

差後碗豆瘡第八十六

碗豆瘡者。因汗下後。餘毒未盡。差後故發。碗豆瘡也。
只以黃連甘草歸尾紅花防風苦參荊芥連翹羌活
白芷煎服。外用朴硝赤小豆青黛爲末。以雞子清猪
膽汁調敷瘡上。最效。勿動。待其脫落。此病小便澁有
血者。中壞也。瘡皆黑靨。不出膿者死。差後發碗豆瘡

小便澁有血者。名曰內外瘡。用黃連解毒湯。
加生地連翹滑石

差後飲酒復劇第八十七

傷寒病。熱未解而飲酒者。則病增劇而反熱甚也。脈

傷寒論卷之六
弦數小柴胡合解毒脈洪大白虎合解毒並加烏梅
乾葛砂仁

差後食復第八十八

差後胃氣尙弱不能消穀。假若食早或食多而復發。
熱者曰食復。食復煩熱腹滿便閉。關脈實者。枳殼梔
子大黃湯。食復微熱微煩大便如常。損穀則愈。凡傷
寒病後只宜先進稀米飲。次進稀粥。又宜少少與之。
常令不足。不能盡意。諸般肉食不可盡意與之。經曰



肉食則遺多食則復此其禁也

差後勞復第八十九

差後餘熱未除血氣尙虛假若勞動使氣血沸騰而邪熱隨還於經絡而發熱也謂遺熱脈浮者微汗之

柴胡桂枝湯脈沉者下之調胃承氣湯不應汗下者

參胡三白湯虛熱無力者參胡溫膽湯陰虛火動者

補中湯加黃栢知母無熱有寒者人參養榮湯加熟

附子論曰大病後勞復者枳實梔子湯主之有宿食者加大黃



女勞復第九十

差後交接^{早化}淫慾無病人反得病曰陰陽易病人病復發曰女勞復其候頭重不舉目中生花腰背痛小腹裏急絞痛或憎寒發熱或時陰火上衝頭面烘熱心胸煩悶者竹皮禪褱散加鼠屎有熱加柴胡調赤衣散人虛弱者參胡三白湯調赤衣散小腹急痛脈沉足冷用當歸四逆湯加熟附茱萸送下赤衣散若卵縮入腹脈見離經者死也

太過而一呼三至曰至不及而一呼一至曰損此辨經脈也

